

Hoe SARS belastingnakomingstatusrapportering verander het vir die oordrag van fondse oorsee

Tshwane, 3 Mei 2023 - Die Suid-Afrikaanse Inkomstediens (SARS) wil graag die aangeleentheid met betrekking tot belastingklaringstatus opklaar. Omdat die vorige belastingklaringstatus (TCS)-oplossing operasioneel was sedert April 2016 en sedertdien aansienlik gevorder het, en die volumes belastingpligtiges wat derdeparty-verifiëringsversoeke rig, insluitend buitelandse beleggingstoelaag en emigrasie, toegeneem het, was daar 'n behoefte aan versterking aan die stelsel om dit te rasionaliseer en vinniger te maak. Daarby, na gevolg van die aankondiging van die afskaffing van emigrasie as 'n ruilbeheerkonsep in 2020, het die Suid-Afrikaanse Reserwe Bank (SARB) die vereiste, om aansoek te doen om finansieel te emigreer (die MP336-aansoek), verwyder. Dit het veranderinge aan SARS se prosesse en vorms noodsaaklik gemaak.

Die versterkte TCS-stelsel is op 24 April 2023 bekendgestel, na konsultering met gemagtigde handelaars en die SARB. Dit ondersteun die strategiese oogmerk van SARS om dit vir belastingpligtiges makliker te maak om hul verpligtinge na te kom. Dit vestig ook TCS-verifiërings in die regering, die privaatsektor, en die individuele belastingpligtige ruimte, welke vrywillig of deur wetgewing. Hoewel dit vir nakomende belastingpligtiges dit makliker sal maak, sal dit vir nienakomende belastingpligtiges moeiliker wees. Die versterkte TCS-stelsel is ook daarop gemik om omkeertye vir nakomende belastingpligtiges en handelaars drasties te verbeter.

Die addisionele inligting wat op die goedkeuring vir internasionale oordrag (AIT) aansoek versoek word, stel SARS in staat om te verseker dat alle vereiste betaalbare belasting voor bereken is en, indien nodig, enige nienakoming, wat deur verifiëring en/of oudit opgespoor word, aangespreek word. Dit vorm deel van SARS se reis jeens modernisering wat met ons strategiese oogmerk van vrywillige nakoming gepaardgaan.

Geen TCS word vereis vir jaarlikse oordragte van tot R1 miljoen nie. SARS is van mening dat belastingpligtiges, wat vir meer as die jaarlikse R1 miljoen enkel diskresionêre toelaag aansoek doen, gesofistikeerde belastingpligtiges is wat

redelikerwys rekords behoort te hê van die kosprys van die hoofbates in hulle besit. Dit sluit hulle plaaslike en buitelandse vaste eiendomme, gelysde/ongelysde beleggings, kriptobates en kontant in die bank in, om net 'n paar op te noem. Indien die belastingpligtige nie 'n spesifieke soort bate besit nie, moet dit as nul op die bate en laste deel van die aansoekvorm aangeteken word.

SARS het 'n omvattende eksterne gids oor die veranderinge gepubliseer wat op die SARS-webtuiste beskikbaar is deur die volgende skakel <https://www.sars.gov.za/gen-elec-08-g01-guide-to-the-tax-compliance-status-functionality-on-efiling-external-guide/>.

SARS het ook 'n gids opgedateer en gepubliseer oor die vereiste dokumente vir AIT-aansoeke vir individuele belastingpligtiges, wat beskikbaar is deur die volgende skakel <https://www.sars.gov.za/individuals/manage-your-tax-compliance-status/supporting-documents-for-obtaining-approval-international-transfers/>.

Vir meer inligting, kontak asseblief SARSMedia@sars.gov.za.

EINDE